

Papsturkunden in Frankreich. Band 5: Touraine, Anjou, Maine und Bretagne., Nr. 9

G. episcopus seruus seruorum Dei. Clero et populo Turonensi salutem et apostolicam benedictionem. Archiepiscopi uestri diligenter causam discutientes intelleximus nonlegali accusatione eum ab officio suspensum fuisse, presertim cum eadem causa ante presentiam antecessoris nostri uenerandae memoriae pape Alexandri discussa et determinata fuerit. Quapropter apostolica auctoritate episcopale et sacerdotale officium sibi reddidimus. Verum quia aliqui uestrum contra eum adhuc submurmurant et eadem infamia uigilat, decreuimus legatum nostrum R. cum legato Diensis episcopi ad uos dirigere, quatenus certam et meram ueritatem huius rei a uobis percipiant. Unde interdicimus ex parte beati Petri apostolorum principis, ut nullus uestrum contra eum dubium testimonium aut, quod canonicae possit improbari, proferre presumat, sed quod uidit et audiuit et certissimum habet, ueraciter dicat. Nam si aliter presumptum fuerit, et testis falsitatis damnabitur et causa ilia ulterius in perpetuum non discutietur.